

ac dénum plorosque modos acquirendi: quæ omnia latius dicuntur creatura juris gentium, quia a gentibus plorosque introducta sunt, et ab iis observantur.

## CAPUT II.

## DE LEGE POSITIVA DIVINA.

## ARTICULUS I.

*De lege Mosaica a Deo lata.*

39. *Nota.* Lex divina dividitur in *veterem*, quæ et *Mosaicā*, V. T., et nonnunquam *Lex absolute* dicitur, estque ea, quam Moyses per ministerium angeli a Deo acceptam populo Hebraico promulgavit: et in *novam*, quæ veteri abrogatæ successit, hodieque viget a Christo per Apostolos et Evangelistas nobis tradita. Lex *Mosaica pressius sumpta* continetur in Pentateucho, tamen juxta Luc. 24. 44. Psalms etiam et Prophetas complectitur. Continebat Lex vetus triplicis generis præcepta, videlicet *moralia*, quæ ad generalem morum institutionem spectant, et ad Decalogum reduci possunt; *ceremonialia*, ad divinum cultum rite exhibendum ordinata, uti leges sacrificiorum et purificationum; *judicia* seu *politica*, quæ ad jus dicendum, justitiam recte administrandam, et Hebraicæ reipublicæ statum formandum pertinebant; atque de his omnibus ait Moyses, Deut. 6. 1. *Hec sunt præcepta et ceremonia atque judicia, quæ mandavit Dominus Deus vester.* Præter hæc fuere etiam in V. L. quedam *consilia*, uti colligitur ex Ps. 73. 12., Exod. 22. 46.; nec non aliqua *sacrificia voluntaria*, Ps. 118. 108. etc.

Hanc Legem veterem, teste S. AUG., hæretici alii, nempe *Pelagiani* nimium extollebant, ac si juste viventibus *ex se* potuerit conferre justitiam et vitam æternam: alii, CERDON, MARCION, et MANICHEI nimis deprimebant, eam a Deo malo conditam blasphemantes.

40. *Dico.* Lex vetus fuit vere *divina*, bona et sancta.

*Prob.* Lex vetus Deum ipsum auctorem habet, quia omnia ejus præcepta dicuntur sermones, et judicia *Domini Dei*, Deut. 6. 1. Exod. 20. 1.-43. 3. et Moyses non suo, sed Dei nomine eamdem promulgavit, iterato pronuntians: *haec dicit Dominus etc.* In N. T. ad Rom. 1. Hebr. 1. Deus dicitur locutus per Prophetas, et Matth. 13. Christus ipse legem Deo tribuit dicens: *irritum fecisti mandatum Dei propter traditionem vestram*, et sicut eam verbis, Matth. 8. ita facto probavit, dum ciréumcidì voluit, Pascha celebravit etc.

*Conf.* Idipsum testantur SS. PP. IREN. L. 4. c. 26., EPIPH. hær. 33. Atq. in LL. cont. Faust. manich. etc. Item CONCILIA: in Symbolo Niceno profitemur de Spir. S. qui locutus est per Prophetas: Tolet. I. in Conf. fid. cont. Priscill.

docet: *Si quis dixerit vel crediderit, alterum Deum esse priscam legis, alterum Evangeliorum, anathema sit:* C. Trid. Sess. 4. in Decr. de can. Script. utriusque Testamenti libros suscipiens, hanc dat rationem: *cum utriusque unus Deus sit auctor*: ergo lex vetus est *a Deo*, proin bona et sancta, maxime cum præcipiat omnia necessaria ad cognitionem Dei et Religionem Dei et Christi, absterreat a peccatis et concupiscentiis, et ad rectitudinem vitae tum moralis tum humanae ac politicae perducat, testante Apostolo ad Rom. 7. 12. *Itaque lex quidem sancta, et mandatum sanctum, et justum et bonum:*

41. *Obj. I.* Lex vetus in Scriptura vocatur *Lex Moysis*, et Christus ipse Matth. 19. 8. dixit: *quoniam Moyses ad dixit cordam vestri permisit vobis dimittere uxores*; ergo Moyses est auctor legis veteris.

R. N. C. Moyses dumtaxat promulgator legis fuit, alias illius etiam legis naturæ de cultu parentum Moyses auctor erit, cum Marc. 7. 10. legatur: *Moyses enim dixit: honora patrem tuum.* Imo Deus nequidem Moysi locutus fuit os ad os, que vulgi opinio erat, sed tantum per nubem et angelum; recte vero dicitur *mediator*, quia nostri Mediatoris Christi figura erat Moyses, de se ipso dicens Deut. 3. *Ego sequester et medius fui inter Dominum et vos... ut annuntiarem vobis veritatem ejus.* Fatendum tamen, quasdam observationes alias, ac leges etiam postmodum humana auctoritatè additas esse Pentateucho, y. g. de festo Phurim Esth. 9. et Scenopegia, 2. Macch. 1.; quin et invaliduisse apud Hebraeos quasdam traditions a senioribus longo post tempore invenias, nec scriptas in libris sacris, et saepe contrarias verbo Dei, ideoque a Christo Matth. 15. et Marc. 7. reprobatas.

*Inst. 1.* Illud saltem præceptum de *libello repudii* non est tribuendum Deo, sed Moysi, quod patet ex Matth. 19., et ORIGEN. hom. 16. in Num. cum aliis affirmat; ergo.

R. N. A. Christus l. c. Moysen appellat, quia Pharisei illum citaverant: *quid ergo Moyses mandavit nobis etc.*, sed non propterea negat id fuisse a Deo constitutum: sicut alibi videtur Moysi tribuere præceptum illud, *honora patrem tuum etc.* Marc. 7. 10., quod statim v. 13. declarat divinum esse: *rescindentes verbum Dei etc.* Ceterum non videtur Moyses in re tanta fuisse sibi sumpturus, ut repudium propria auctoritate permetteret; sed de hoc dictum alibi.

*Inst. 2.* Deut. 22. dicitur: *Dei perfecta sunt opera*: sed lex vetus erat imperfecta; ergo non est a Deo.

R. D. M. Perfecta sunt vel simpliciter et absolute, vel saltem in gradu et ordine suo C. simpliciter et absolute semper N. Simpliciter et absolute perfecta est ea lex, cui nihil decit, quo ad finem suum perducat; talis est evangelica: perfecta in ordine tantum et *gradu aliquo* dicitur lex, quæ ad finem, quem intendit, potest aliquatenus promovere, sed per se non sufficit ad eum obtinendum. Legis divinæ *finis* est æternæ felicitatis adeptio, huic obtinendo *per se* non sufficiebat *lex vetus*, quæ imperabat quidem et prohibebat, in quo subditorum consulebat utilitati; sed gratiam eis necessariam non poterat *ex suo suppeditare*, quod potest *lex nova*: fuit tamen *lex vetus* bona in gradu et ordine suo, quia quod ei decretat perfectionis, non erat conveniens pro tempore; quod inerat, pro tempore sufficiebat.

*Inst. 3.* Finis antiquæ legis noui erat alijs, quam ut crescerent peccata;

ergo lex vetus non fuit divina. *Prob. A.* ex libris S. Aug. cont. Pelagianos, ubi id diserte pronuntiat: item serm. 6. de verb. Apost. ait: *Data est ergo lex illa, ut inveniatur infirmitas; parum est hoc, non solum ut inveniretur, sed etiam ut augeretur, et vel sic medicus quereretur;* ergo.

*R. N. A.* S. Aug. hanc a se calumniam amolitur ipse l. c. *Legem V. T.*, inquiens, nos aiunt dicere non ob hoc datum fuisse, ut justificaret obedientes, sed ut gravioris fieret causa peccati: prorsus non intelligunt, quid de lege dicamus etc. Itaque S. Doctor ut convellat Pelagianorum dogma illud, liberum arbitrium sola lege adjutum sibi sufficere ad perfectionem justitiae impeccantiamque ipsam adipiscendam, utitur exemplo iudeorum, qui legem sine gratia impleturos se arbitrati, prevaricatores legis effecti sunt: concludit, legis, si gratiam se jungas, ut faciebant Pelagiani, effectum alium non fore, quam ut homo prevaricator factus sua sibi conscientius sit imbecillitatis, id quod ostendit ex fine legis secundario, quem solum ibi commemorat, quamvis non excludat primarium, quem alibi diserte adstruit. Fuit autem finis *primarius* legis veteris, ut Israelite per divinorum praceptorum custodiam pervenirent ad internam sanctitatem: *secundarius*, ut infirmitatis sua conscientia ad gratiae opem flagitandam se converterent.

*Inst. 4.* Finis legis veteris *proximus* postulabat, iudeis adesse gratiam: sed hanc adfuisse negat Aug. docens, iudeos fuisse *sub lege*, h. e. omni gratia destitui, atque hinc sepe opponens illa duo, esse *sub lege*, et esse *sub gratia*; ergo.

*R. 1°.* Non *primarius* tantum finis, sed etiam *secundarius* id postulabat: quomodo enim ex concupiscentiae renisu, aut etiam ex lapsibus suis iudei possent ita utiliter admoneri de sua infirmitate, ut ad gratiam querendam converterentur, nisi prævenientem *gratia*, quæ ipsis inspiraret salutaria bonæ voluntatis initia. *2°.* *D. m.* S. Aug. opponit illa duo, esse *sub lege*, h. e. lege obligari, et esse *sub gratia*, h. e. gratia auxilia accipere. *N.* oppone illa duo, esse *sub lege*, h. e. violatae legis reatu constringi, et esse *sub gratia*, h. e. legem ope gratiae implere. Phrasim Augustiniana illi sunt *sub lege*, quos reos facit lex non implentes legem, ita ep. 49.; illi sunt *sub gratia*, qui auxilio gratiae legem observant, id clare exponit q. 1. ad Simpl.: *Sub lege esse dicuntur, inquit, quibus lex dominatur: dominatur enim iis, quos punit, punit enim prævaricatores omnes: non dominatur iis, qui jam sub gratia implent eam per charitatem.*

Negat hinc inde S. Aug. iudeos legem implere potuisse, scilicet *suis viribus*: negat iudeos habuisse gratiam, scilicet *vi legis ipsius antiquæ*. In sensu composito arrogantiae, qua *prævenientem* gratiam tanquam minus necessariam a se repellebant, *adjuvantem* non receperunt, ac proinde in eodem sensu composito legem implere non valuerunt; sed *consequens* est impotentia illa, non *antecedens*. Solutio hæc ex ipsis textibus eruitur; verum tamen est, quod lex *de suo* neque adjuvantem, neque excitantem gratiam dare potuerit.

*Inst. 5.* S. Aug. docet legem a iudeis *perfecte* impleri non potuisse, et quidem impotentia *antecedente*; ergo contendit, gratiam ad aliqua saltem præcepta necessariam ipsis defuisse.

*R. D. A.* Non potuisse *perfecte* impleri perfectione huic vitæ indebita *C.* perfectione debita *N.* Docebant Pelagiani, hominem per solas nature vires

pervenire posse ad *perfectam impeccantiam*, quæ peccatum quicunque sensu dictum excluderet, idque non sub Evangelica tantum lege, sed etiam sub Mosaica consequi potuisse, et sub naturali. S. Aug. opponit 1°., quod, si res ita se habeat, non modo gratis mortuus sit Christus, sed frustra scripta sit lex, cuius mandata jam menti inscripta gerebamus: in exemplum profert duo præcepta, ad que cetera naturalia facile revocantur, *non concupisces*, et *diliges Dominum Deum tuum ex toto corde etc.*; igitur de præceptis istis agit, quatenus scriptis, et quatenus littera eorum sonat: cum utrumque, si litteram urgeas, imperet perfectionem, ad quam nemo in hac vita pervenire potest, quia primum excludere videtur concupiscentie motus etiam *indelibatos*, et alterum omnes omnino animæ sensus, mentis cogitatus, affectus voluntatis, potentiarum conatus sibi vindicare. Ex impossibilitate utriusque sic intellecti in hac vita perfecte implendi, evertitur dogma *summae perfectionis* et *impeccantiae* Pelagianæ.

*2°.* Ostendit in doctrina catholica utilissimum fuisse, ut præcepta ista *eo modo* scriberentur, ut sublimi hac perfectione nobis proposita intelligeremus, quo tendendum esset ac jugiter admittendum, atque ut videntes quantum inde abesse mus, humiliaremur, gratiam peteremus, et gratia subnixi quotidie progrederemur, ac proficeremus. Plura de ista perfectione huic vita indebita disces ex *Tr. de Act. Hum. num. 80.*

*42. Obj. II.* Ezech. 20. 23. dicitur: *Dedi eis præcepta non bona, et judicia in quibus non vivent:* ergo lex vetus non fuit bona: præsertim cum plures SS. PP. textum Ezechielis interpretentur de præceptis per Moysen promulgatis. *Conf. Ad Hebr. 7. 19.* dicitur: *nihil ad perfectum adduxit lex:* et ad Gal. 2. 16. *scientes, quod non justificatur homo ex operibus legis;* ergo.

*R. D. A.* Et hic propheta loquitur de præceptis legis mosaicae *N.* de præceptis gentilium, que Deus permisit iudeis imponi in penam violare legis divinæ *C.* Itaque sensus est, interprete *S. Hier.*: Israëlitæ, quia legibus meis vivere noluerunt, durissimis gentium legibus obteri atque occidi permisi: quia vultum meum sprevere, passus sum fœdari nefandis gentilium sacris, quies liberos suos Moloch, aliisque idolis immolabant. Ibidem v. 11. Deus præceptis illis opponens legem suam, dicit: *Dedi eis præcepta mea... quæ faciens homo vivet in eis:* et 2. *Esd. 9. 13.* *dedisti eis judicia recta, et legem veritatis, ceremonias et præcepta bona.*

*Ad Conf. D. A.* Est imperfecta negative, et ex se insufficiens ad justificationem et salutem, quæ per fidem in *J. C.* data est *C.* imperfecta positive, et continuo quidpiam rationi difforme *N.* ita *S. Aug. ep. 82. SS. PP. AMBR. et GREG.* per *τό non bona intelligunt non perfecta, quia Deus*, inquit *AMBR.*, *in Evangelio perfectiora servavit: et GREG. bona quasi bona non sunt comparatione meliorum: SS. Aug. et THOM.* hoc restringunt ad præcepta *ceremonialia*, quæ mala dici volunt, eo quod gratiam conferre non potuerint: *S. Hier.* ea vocat mala *per accidens*, et ex *eventu*, quia iudei propter transgressiones illa fecere non bona, illorum poenis sese addicendo; etc.

*Inst. 1.* Lex vetus non vacabat *culpa*, ad Hebr. 8.; imo erat causa *peccati et mortis*, ad Rom. 5. quia fecit *abundare delictum*; dicitur lex *damnationis*, littera occidens, ad Rom. 7.; ergo erat mala.

*R. D. A.* Lex non vacabat culpa *proprie dicta*, seu defectu positivo *N.* culpa

*improprius tali, seu defectu negativo. C. Eodem sensu intelligendus Apost. ad Hebr. 7. 18. reprobatio fit praecedentis mandati proprie infirmitatem ejus et inutilitatem: nihil enim ad perfectum adduxit lex. Item lex fecit, ut abundaret delictum, erat mortis et damnationis ministratio occasionaliter, et quidem occasione sumpta ex parte hominis. C. ex natura legis et fine legislatoris N. Ita exponunt S. ATG., D. THOM., et APOST. ipse ad Rom. 7.*

*Inst. 2. Lex vetus gravia scelera fovebat, concupiscentiam rerum temporalium, dum pro legis observatione promisit bona terrestria, Deut. 28., jubebat odium inimicorum et cupiditatem vindictae, dum legem talionis sanxit, Exod. 21., et inimicitiam cum Amalecitis perpetuam esse voluit; crudelitatem, permittendo heris occidere servos suos, Exod. 21.; ergo.*

*R. Ad 1. N. A. Nam rudi populo ad supernaturalia et aeterna necedum satis preparato promittebantur temporalia, tantum ut media ad premium aeternum et finem ultimum: hinc Ps. 143. dicitur: beatus populus, cuius Dominus Deus ejus.*

*Ad 2. De odio inimicorum et privata ultione N. A. Utrumque diserte prohibetur Levit. 19. non quereres ultionem, nec memor eris injuria civium tuorum; in eo igitur quod Christus Matth. 5. ait: audistis, quia dictum est antiquis, diliges proximum tuum, et odio habebis inimicum tuum, pars secunda non erat ex lege, sed ex prava Scribarum interpretatione, quam Christus ibidem corrigit. Diliges proximum tuum, h. e., inquietabant, amicum et consanguineum; ergo, inferebant, odio habebis inimicum tuum. Quantum ad poenam talionis, non ad privatos ea lex dirigitur, sed ad judices, estque ex aequitate et ratione: eam Graeci et Romani docente natura in XII Tabulas retulerant: Noxiæ pena par esto. Etiamsi diceretur id permissum privatis, ut Scriba interpretari amabant, oculus pro oculo etc. non fomes, inquit S. AUG. L. 19. cont. Faust. c. 25. sed limes furoris erat: non ut id, quod sopitum erat, hinc accenderetur, sed ne id, quod ardebat, ultra extenderetur, impositus. Hanc legem indoli judaeorum precipiti proportionatam Christus non quidem damnavit, sed meliorem constituit, Matth. 5. Inimicitia perpetua erga Amalecitas in poenam gravissimam injuriæ Israelitis contra voluntatem Dei illatae, non ex privato odio, sed ex justo religiosis zelo exercenda, fuit justissime imperata.*

*Ad 3. N. A. Nam Exod. 21. 20. dicitur: Qui percusserit servum vel ancillam virga, et mortui fuerint in manibus ejus, criminis reus erit; ergo servorum occiso non fuit heris permissa. Additur tamen v. 21. sin autem uno die vel duobus supervixerit, non subjacebit pœna, quia pecunia illius est; ergo tum excusabantur tantum a pœna, eo quod censerentur non habuisse animum occidendi.*

*Inst. 3. Praecepta judicialia statuebant varia iniqua e. g. jus regium 1. Reg. 8. indicatum, item de servo profugo non restituendo etc. Hinc etiam lex vetus, Act. 15. 10. jugum dicitur, quod neque patres nostri, neque nos portare potuimus; ergo.*

*R. N. A. Auctoritas legislatoris, finis legum et pervicacia populi iudaici ad omnia vitia proni satis produnt aequitatem omnium legum judicialium; hinc e. g. vetabatur, ne servus profugus restituantur domino, item ne pignus acciperetur a debitore, ut in primo casu occiso servorum, in secundo pauperum oppressio preverteretur. Jus vero regium l. c. indicatum non erat legitimum, aut divinitus institutum, sed ut ait D. THOMAS hic q. 105. a. 1. ad 3.*

in agis pronuntiatur usurpatio Regum, qua sibi jus iniquum constituunt, in tyrannide degenerantes, et subditos deprædantes.

Demum lex vetus, Act. 15. non dicitur servatu *impossibilis*, utpote a multis observata, sed *difficilis*, tum quia innumera fere præcepta imponebat, tum quia ex se gratiam necessariam non conferebat; attamen ostendebat, unde quæreri debeat et impetrari possit, nempe per fidem in Christum venturum, ita ut legis præcepta hac ratione fierent etiam *desiderabilia super aurum, et dulciora super mel et favum*, teste Davide Ps. 18. Voluit aufem PETRUS Act. 15. hisce fideles deterrire ab antiquæ legis ceremoniis ceu *necessariis*.

*Inst. 4. Præcepta ceremonialia erant magnam partem *superstitiosa*, uti patet de *immunditia* ex contactu cadaveris contrahenda, quæ obstat mortuorum sepulturæ, item de *sacrificio pro peccato*, quod præjudicabat necessitatibus et efficacie contritionis; ergo non erant bona.*

*R. N. A. Quamvis enim non exigua sit difficultas, determinare singularum ceremoniarum *causas, fines et sensus mysticos*, certum famen est, quod omnes aut vita melioris rudimenta, aut Redemptoris adventum, aut abominationem idolatriæ, aliorumque criminum symbolice repræsentaverint, quia lex vetus fuit paedagogus in Christo, figura et umbra futurorum honorum, sic e. g. *immunditia legalis* prædicta figurabat immunditiam internam, qua per peccatum et conversationem cum peccatoribus anima coquinatur; peccatum tamen non erat, sed irregularitas quædam, quæ a sacrificiis arcebatur, neque contrahebatur ex sepultura mortuorum, ut ex historia Tobie manifestum est. *Sacrificium pro peccato* in ejus expiationem et aliquam tantum satisfactionem immolabatur, requisita insuper coram Deo contritione perfecta. Demum singulas ceremonias, quarum 613 et plures erant, explicare ad eam potissimum Theologie partem spectat, quæ sacras Scripturas interpretatur.*

*Inst. 5. Lex vetus observationem sui exigebat, nec tamen indicabat *gratiae necessitatem*; ergo superbiam ingenerabat: sibi obtemperantibus *temporalia bona* pollicebatur, nec præstabat, refractariis mala minabatur, quæ sepe non eveniebant: denique tota erat in figuris, quin judæis id aperiret; ergo fallax erat et dolosa.*

*R. Ad 1. N. A. Israelitæ expectabant MESSIAM, cuius meritis gratia et salus expeti deberet, ac posset obtineri; nec dissimulabat lex amorem Dei internumque obsequium, quod imperabat, ex divina gratia et hominis cooperacione proficiendi, sic Deut. 3. dicitur: circumcidit Dominus Deus tuus cor tuum, et cor seminis tui, ut diligas Dominum Deum tuum in toto corde tuo etc.*

*Ad 2. N. A. Universum populum potius, quam singulos Israelitas spectabant terrenarum rerum *promissiones ac minæ*, ut passim videre licet præsertim Deut. 38.; porro sicut predictum erat, ita fiebat, ut genti legem observanti bene esset, male violanti: quamquam haec privatos etiam suo modo respiciebant, cum Ps. 36. dicatur: non vidi justum derelictum, nec semen ejus querens panem... inusti disperibunt simul, reliquæ impiorum interibunt; ubi exprimitur id, quod plerisque, non quod semper usus veniebat.*

*Ad 3. N. A. Multa quidem in figuris et typis erat lex vetus, non tamen tota: frustra enim figure et imagines futurorum quærerentur in præceptis*

*moralibus et judicialibus*: *ceremonias* etiam suas spiritualium ac futurorum esse typos, non celabat lex vetus sive scripta, sive tradita; nonne sat claram legem deprehendas ex modo dictis, circumcisione *carnis* adumbrari circumcisionem *cordis*, h. e. vitiorum expolationem.

*Inst.* 6. Si legis antiquae ritibus ac præceptis adjuncta erat *gratia*, nihil fuit, cur Paulus toties ingereret, legem *infirman* esse atque *inutilem*: nam quæ conjuncta sunt, non debent disputatione dividi et inter se opponi, sicut id non licet in *lege Evang.*; ergo.

R. N. A. Postulabat Apostoli scopus, ut *legem* spectaret *infirman*, eamque cum fide et gratia ex adverso compararet, quia sic eam considerabant adversarii quos impugnat, scilicet

*Judei* tum *infideles*, qui fidem Christi aspernabantur, quasi sua sibi lex abunde sufficeret ad salutem, quos refellit Paulus in epist. *ad Hebr.*, ubi declarat, quantum Moysæ præstet Christus, quantum veteri nova lex præcellat; ostendit veterem per se infirman fuisse atque imperfectam, et superveniente nova tanquam inutilem deinceps reprobari: tum ex *fidelibus* non pauci, qui præfidentes legi sue jactabant suorum ex lege operum meritis concessum esse Christum, sibique peculiariter natum, et gentes fore salutis exsortes, nisi suscepta circumcisione legem et ipsæ observarent. Utrumque præjudicium destruit Paulus: *prius* quidem in epist. *ad Rom.*, ubi monstrat, iudeos in lege scripta esse prævaricatos perinde ut gentiles in lege naturali; deinde justitiam non potuisse per legem conferri, proin iudeos non magis quam gentiles fuisse promeritos adventum Redemptoris, nec minus ejus gratia indigere: idem attingit in ep. *ad Hebr.*

Alterum præjudicium convellit ep. *ad Gal.*, ubi probat Israelitis adhuc rudibus legem *egenam* atque *infirman* datam esse, tanquam pueris pædagogum; tempore autem constituto fuisse per Christum liberatos a jugo legis, quicumque in Christum crederent, uti probat in ep. *ad Coloss.*

Ex harum disputationum statu manifestum est, *legem* debuisse a Paulo considerari secundum ea, quæ ipsi erant propria, et opponi *fidei* et *gratia*, sicut etiam a Pauli adversariis spectabatur, ut nimis demonstraret illis Apostolus, *legem* ante Christum non satis fuisse ad salutem, nisi accederet *fides* et *gratia* Mediatoris; post Christi vero adventum, repudiata *lege*, *fidem* esse suscipiendam. Quod de *lege Evangelica* additur, dicendum, quod Paulus negans in veteri lege exitisse vim conferendæ justitiae, legem consideret secundum omnia, quæ legi propria erant, sive præcepta, sive ritus et sacramenta, sacrificia etc. *Nova lex* autem, si secundum haec omnia consideretur, in suis *sacramentis* et *sacrificio gratiae* fontes habet, et aperit. Fatendum tamen, quod, si *nova lex* pro solis mōrum præceptis accipiat, non magis gratiam conferat, quam vetus; utramque subin ita accipiunt SS. Hier. et Aug. contra Pelag. pro statu controversiæ quam agitabant, et utrique sic acceptæ accommodant illud 2. Cor. 3. *littera occidit*.

43. *Obj. III.* Si lex vetus fuit a Deo lata, ergo *omnes* tum iudeos, tum gentiles obligavit.

R. D. seq. Omnes obligavit quoad præcepta *moralia*, quæ pertinent ad legem naturalem C. quoad præcepta etiam judicialia et ceremonialia N. haec enim solos iudeos et proselytos obligabant, Deut. 1. 1. - 4. 8. - 5. 1. Dein si

*gentiles* mosaica lege obligati fuissent, ergo peccassent contra illam, quoties contra legem naturalem peccarunt, quod est contra Apost. ad Rom. 2. 12. quicumque enim sine lege peccaverunt, sine lege peribunt etc. Denum testatur S. Dionys. L. de cœl. Hier. Melchisedechum, Naaman Syrūm, Jobum et alios ex gentilibus multos pie vixisse. *Moralia* quidem præcepta servare tenebantur, at non vi *legis scriptæ*, unde nec poenis a lege statutis in prævaricatores subdebantur; poterant vero etiam *gentiles* iudeis aggregari, et transire ad legem mosaicam, sed sub onere circumcisionis.

*Inst.* Christus Matth. 23. 15. improperat Scribis et Pharisæis, quod circumirent mare et aridam, ut facerent unum proselytum; ergo non poterant *gentiles* ad judaismum transferri.

R. D. A. Hoc Christus improperat Pharisæis ob studium alios traducendi ad legem, id quod laudabile erat N. improperat ideo, quia illos, quos tanto studio conquisierant, exempli pravitate et contrariis verbo Dei traditionibus perverteret C. hinc subdit Christus: *et cum fuerit factus, facitis eum filium gehennæ duplo, quam vos.*

44. *Observa.* Finis antiquæ legis *primus* et *ultimus* erat: 1º. *spiritualis* et *supernaturalis felicitas* populi electi juxta illud Christi Luc. 10. 26. *in lege quid scriptum est?* ad quæstionem legis periti dicentis v. 25. *Magister, quid faciendo vitam eternam possidebo?* item juxta Ps. 48. et 118; hinc quoque præcepta fidei, spei et charitatis supernaturalia erant in lege veteri. 2º. *Peculiaris honor Christi*, in cuius adventum per explicitam fidem se populus præparabat. 3º. *Institutio* populi electi ad naturalem et necessariam honestatem, cultum divinum et politiam. Advertendum porro, quod ante legem mosaicam plures quidem *leges particulares* extiterint, v. g. lex non comedendi de fructu vetito, Gen. 2; lex utendi aliquo signo necessario ad impenetrandam, mediante in Christum fide, remissionem peccati originalis; lex circumcisionis, Gen. 17; lex discernendi animalia munda ab immundis, Gen. 7. et 8; lex non comedendi carnem cum sanguine, Gen. 9; *strictè* tamen loquendo ante legem mosaicam non erat *lex positiva*, quæ hic sumitur pro integro quodam Corpore Juris divini, quo homines sub peculiaribus signis, sacramentis et sacrificiis ad certum aliquem statum Religionis determinantur; unde illa ætas primæva communiter *status naturæ* appellatur.

## ARTICULUS II.

### DE LEGE MOSAICA PER CHRISTUM ABROGATA.

45. *Nota.* Lex dicitur *abrogata* seu *morta*, cum non amplius obligat. Certum est, legem mosaicam potuisse a Deo abrogari, qui eam libere tulit; quod vero tota sit abrogata per Christum, patet ex Jérem. 8. 31., ad Hebr. 8. 13., ad Ephes. 2. 14., ex C. Trid. Sess. 6. can. 21. In eo tamen errore versati sunt EBION, CERINTHUS, NAZAREI, et plures alii haeretici, imo iudei etiam, postquam conversi ad Christi fidem Act. 15., quod lex mosaicæ sit *æternum duratura*, unaque cum Evangelio servanda. Major etiam controversia est de puncto temporis, quo lex vetus exspiraverit; hinc